

fraeass

fraeass

iis ma need fuat kemma

iis ma need fuat kemma

fraeass

fraeass

hood ma r aa fensda ghood

hood ma r aa fensda ghood

fraeass

fraeass

hood ma need aasse gschaad

hood ma need aasse gschaad

sched aei

sched aei

innan heefa

ind hend

inn schdoe

innda degg

innd schaoss

inns oofa loo aei

owa aasse need

fraeass

fraeass

hood ma need aasse gschaad

hood ma need aasse gschaad

fraeass

fraeass

hood ma mpfiahang a weng zruck zong

haegstns

hood ma mpfiahang a weng zruck zong

fraeass

daass maa s weeda gseng hood

owa

aasse gschaad hood ma need

aasse gschaad hood ma need

fraeass

scheed aei

haezschao

haezschao hand dasemsd
des noenzege gwen
woos s ghood hammand

schaobandl hammands ersd
inn krae zaoa zong
nochad iss schnae ganga

haezschao weand ned hii
de hand aaf den hof gwen
fo fraea hea

waes nochad schaobandl ghod hammand
hands owaei no mid de haezschao
inn schdoe ganga
dee beerena

d kiina hand umma gfoamd
um earane noggadn haxn
hammand de wiam gsoachd
de wae d kaewe innd schiazl
droo ghengd hammand

aus: froisd de, ha! – Gedichte von Anna Wheill

wae asse ghead

des mochs
wae assee ghead
hods gsogd

amoe asso
amoe asso

wenns ebbs gsogd hod

gschnaafd hods
amoe asso
amoe asso
dass de glee aaskennd hosd

oess hod ia wae doo
hosd ebbs gsogd
hosd nix gsogd

aez mogs nimma
hods gsogd

fraea hoods aa gmoed
dass s noo dees unds sae gaab
und iis need kemma
und sii hood ned hii kinnd dazao

aez mogs nimma
hods gsogd

biiss danoo ganze fuad iis in loe
ganz in loe
daod ma r aa dees
ganz in loe
dessae ghead see owa need
asso mochd maa s need aa

aus: froisd de, ha! – Gedichte von Anna Wheill

dazwea

dazwea
iiss drinn gleng

owai wenga iis woan
iis owai wenga woan
inn febrare
gschneebt hods
aas laossn hod a ned

dazwea
iiss drinn gleng inn bedd

gschriian blead baossd
hod a

gessn hod a ned
grood no oogschaad
woos kochd woan is
gessn hod a ned

de zwee faess nimma kennd
d seckai oo zong dazwea
dees kimmd
dees kimmd de hoad oo
owa dees kimmd
wiasd seng
des kimmd

aus: froisd de, ha! – Gedichte von Anna Wheill

a seechana zaeddn

wae hoosd aas aan du
dea wae da r oo nix
dea kimmd de ned oo
wennsd eam an rao laossd

waei dee oo ee koana
schdae de dennasd ned oo
miid daan grantenga gfriis
fiachd de da daife no

woos woasd aan duu scho
du grabbade dingeen
saa frao wenn aa de nimmd
dea braachd oo aa oane

woos glaabsd aan du
wae dees zao geed aaf da waed
du dengsd no inn mii
a so a drudschn waesd du bisd
de ghead amoi gscheed hea gnumma
dessaei sog da r ii

aus: froisd de, ha! – Gedichte von Anna Wheill

baossn daods

baosd

waoan

baosd

waoan

aezad

woosan

aezad

woosan

baossn daods

waoan

baossn daods

waoan

aezad

woos

geh hi

waoan

geh dennasd hii

baossn daods

aez iiss goa!

aus: froisd de, ha! – Gedichte von Anna Wheill